

বেসরকারি শিক্ষা প্রতিষ্ঠানের জন্য ই-রেজিস্ট্রেশন নির্দেশিকা

বেসরকারি শিক্ষক নিবন্ধন ও প্রত্যয়ন কর্তৃপক্ষ (এনটিআরসিএ) বেসরকারি শিক্ষা প্রতিষ্ঠানসমূহের প্রবেশ পর্যায়ে শিক্ষকের শূন্য পদে নিবন্ধিত প্রার্থীদের পছন্দক্রম ও মেধার ভিত্তিতে নির্দিষ্ট প্রতিষ্ঠানের বিপরীতে নিয়োগ সুপারিশ প্রদান করে থাকে। শূন্যপদ পূরণের লক্ষ্যে সংশ্লিষ্ট বেসরকারি শিক্ষা প্রতিষ্ঠান কর্তৃক এনটিআরসিএ-এর অনলাইন প্ল্যাটফর্মে চাহিদা (ই-রিকুজিশান) প্রদান বাধ্যতামূলক। এনটিআরসিএ অফলাইনে/ হার্ডকপিতে কিংবা ই-মেইলের মাধ্যমে শূন্যপদের কোন চাহিদা গ্রহণ করে না। শুধুমাত্র এনটিআরসিএ-এর নির্ধারিত অনলাইন প্ল্যাটফর্মে ই-রিকুজিশানের মাধ্যমেই প্রতিষ্ঠানের শূন্যপদের চাহিদা গ্রহণ করা হয়। আর ই-রিকুজিশান এবং শিক্ষক নিয়োগের কার্যক্রমের পূর্বশর্ত হিসেবে প্রত্যেক প্রতিষ্ঠানকে এনটিআরসিএ-এর তালিকাভুক্তির জন্য ই-রেজিস্ট্রেশন বাধ্যতামূলক। ই-রেজিস্ট্রেশন ব্যতীত কোন প্রতিষ্ঠানই ই-রিকুজিশান প্রদান করতে পারবে না এবং ঐ প্রতিষ্ঠানটি এনটিআরসিএ কর্তৃক শিক্ষক নিয়োগ সুপারিশের জন্য বিবেচিত হবে না। নিয়োগ সুপারিশ বিজ্ঞপ্তি জারির পূর্বেই নির্ধারিত তারিখের মধ্যে সংশ্লিষ্ট সকল শিক্ষা প্রতিষ্ঠানকে ই-রেজিস্ট্রেশন করতে হবে অথবা ই-রেজিস্ট্রেশন হালনাগাদ করতে হবে। ই-রেজিস্ট্রেশনের জন্য সংশ্লিষ্ট শিক্ষা প্রতিষ্ঠান প্রধানগণকে নিম্নবর্ণিত বিষয়সমূহ অনুসরণের জন্য অনুরোধ করা হলোঃ

ক) ই-রেজিস্ট্রেশনের জন্য কাম্য যোগ্যতা: সংশ্লিষ্ট শিক্ষা প্রতিষ্ঠানকে অবশ্যই পাঠদানের অনুমতিপ্রাপ্ত EIIN-নম্বরধারী এবং একাডেমিক স্বীকৃতিপ্রাপ্ত প্রতিষ্ঠান হতে হবে;

খ) নতুন ই-রেজিস্ট্রেশন: যে সকল প্রতিষ্ঠান সম্পূর্ণ নতুন ও প্রথমবার ই-রেজিস্ট্রেশন করতে ইচ্ছুক সে সকল প্রতিষ্ঠান প্রধানকে সংশ্লিষ্ট উপজেলা মাধ্যমিক শিক্ষা কর্মকর্তার (USEO) সঙ্গে যোগাযোগ করে ই-রেজিস্ট্রেশন করতে হবে। এ ক্ষেত্রে সংশ্লিষ্ট উপজেলা মাধ্যমিক শিক্ষা অফিসার(USEO) প্রথমেই প্রতিষ্ঠানের বিভিন্ন তথ্য যেমন: প্রতিষ্ঠানটির EIIN নম্বর, একাডেমিক স্বীকৃতি, পাঠদানের অনুমতিপত্র ইত্যাদি তথ্য ভালভাবে যাচাই করবেন। যাচাইঅন্তে সকল তথ্যাদি সঠিক প্রমানিত হলে USEO তার নিজস্ব ইউজার আইডি ও পাসওয়ার্ড ব্যবহার করে এনটিআরসিএ-এর ওয়েবসাইটে (www.ntrca.gov.bd) অথবা সরাসরি টেলিটকের ngi.teletalk.com.bd লিংকে ই-রেজিস্ট্রেশন প্ল্যাটফর্মে লগইন করবেন। প্রসঙ্গত উল্লেখ্য যে, সকল DEO এবং USEO গণের মোবাইলে ইতোমধ্যে SMS মাফরত তাদের ইউজার আইডি ও পাসওয়ার্ড প্রেরণ করা হয়েছে। লগইন করার পর প্রথমেই USEO হোম পেইজের Edit Profile অপশনে ক্লিক করে প্রয়োজনীয় সকল তথ্য পূরণপূর্বক তার নিজস্ব প্রোফাইল হালনাগাদ(Update) করবেন। প্রোফাইল হালনাগাদ(Update) করা প্রত্যেক USEO-এর জন্য বাধ্যতামূলক। এরপর Institute info অপশনে ক্লিক করলে USEO তার আওতাধীন তালিকাভুক্ত সকল প্রতিষ্ঠান Institute List দেখতে পাবেন। উক্ত পেইজের উপরে ডানদিকে Add more institute বাটনে ক্লিক করলে ADD INSTITUTE পেইজটি ওপেন হবে। উক্ত পেইজে সংশ্লিষ্ট প্রতিষ্ঠানের EIIN, Institute Name এবং প্রতিষ্ঠান প্রধানের Mobile No সঠিকভাবে পূরণ করে Save বাটনে ক্লিক করলে টেলিটক থেকে ২৪ ঘন্টার মধ্যে প্রতিষ্ঠান প্রধানের মোবাইলে এসএমএস মারফত স্বয়ংক্রিয়ভাবে প্রতিষ্ঠান প্রধানের ইউজার আইডি ও পাসওয়ার্ড প্রেরিত হবে।

অতঃপর প্রতিষ্ঠান প্রধান তার মোবাইলে প্রাপ্ত নতুন ইউজার আইডি ও পাসওয়ার্ড দিয়ে Institute's Section-এ লগইন করে INSTITUTE PROFILE-এর নিম্নবর্ণিত তথ্যাদি পূরণ করতে হবে।

যথা: প্রতিষ্ঠানের এমপিও অথরিটি, প্রতিষ্ঠানের ধরণ, এমপিও স্ট্যাটাস, প্রতিষ্ঠানের অবস্থান (কোডামুক্ত/সিটি কর্পোরেশন বা পৌর এলাকায়/ পৌর এলাকার বাইরে) সিলেক্ট করতে হবে। প্রতিষ্ঠান প্রধানের নাম, পদবী, এনআইডি নম্বর, জন্ম তারিখ, স্থায়ী ঠিকানা, ইনডেক্স নম্বর, মোবাইল নম্বর, ছবি, স্বাক্ষর, এনআইডির স্ক্যান কপি, ই-মেইল এড্রেস, গভর্নিং বডি / ম্যানেজিং কমিটির চেয়ারম্যান এর নাম, জন্ম তারিখ, স্থায়ী ঠিকানা, মোবাইল নম্বর, এনআইডি

নম্বর, ছবি, স্বাক্ষর, এনআইডি'র স্ক্যান কপি ইত্যাদি তথ্য প্রদান ও আপলোড করে প্রতিষ্ঠানের প্রোফাইল পূরণ করতে হবে। INSTITUTE PROFILE-এর তথ্যাদি পূরণের নিয়ম নিম্নে দেয়া হলোঃ-

১। প্রথমেই **MPO Authority** অপশনে যেতে হবে। **MPO Authority** অপশনের ড্রপডাউন মেনুতে Authority সমূহের নাম আছে যেমন: DSHE, DME ইত্যাদি। ড্রপডাউন মেনু থেকে অত্যন্ত সতর্কতার সঙ্গে নির্ভুলভাবে **MPO Authority** সিলেক্ট করতে হবে। নতুবা প্রতিষ্ঠানটির প্রকৃত ধরণ (**Institute Type**) খুঁজে পাওয়া যাবে না। **MPO Authority** সিলেক্ট করার সময় নিম্নবর্ণিত উদাহরণসমূহ দেখা যেতে পারে।

উদাহরণ:

- প্রতিষ্ঠানটি সাধারণ ধারার স্বতন্ত্র স্কুল/কলেজ হলে DSHE সিলেক্ট করতে হবে;
- প্রতিষ্ঠানটি স্বতন্ত্র মাদ্রাসা হলে DME সিলেক্ট করতে হবে;
- প্রতিষ্ঠানটি স্বতন্ত্র কারিগরি প্রতিষ্ঠান হলে DTE সিলেক্ট করতে হবে;
- যদি প্রতিষ্ঠানটিতে সাধারণ ধারার স্কুল/কলেজের সঙ্গে সংযুক্ত কারিগরি শাখা থাকে তবে DSHE and DTE সিলেক্ট করতে হবে;
- যদি মাদ্রাসার সঙ্গে সংযুক্ত কারিগরি শাখা থাকে তবে DME and DTE সিলেক্ট করতে হবে।

২। ড্রপডাউন মেনু থেকে **MPO Authority** সিলেক্ট করলে সংশ্লিষ্ট **MPO Authority** এর অধীনে **Institute Type** (প্রতিষ্ঠানের ধরণ) এর তালিকা দেখাবে। উক্ত তালিকা থেকে পাশের বক্সে টিক চিহ্ন দিয়ে অত্যন্ত নির্ভুলভাবে **Institute Type** সিলেক্ট করতে হবে;

৩। **Institute Type**-এ প্রতিষ্ঠানের ধরনে কোন ভুল হলে ই-রিকুইজিশনের সময় সংশ্লিষ্ট প্রতিষ্ঠানের শূন্যপদের তথ্যও ভুল হবে। **Institute Type** (প্রতিষ্ঠানের ধরণ) সিলেক্ট এর কয়েকটি উদাহরণ দেয়া হলোঃ

উদাহরণ:

- নিম্নমাধ্যমিক বিদ্যালয় (৬ষ্ঠ শ্রেণি-৮ম শ্রেণি)-এর ক্ষেত্রে Junior Secondary School (6-8) সিলেক্ট করতে হবে;
- মাধ্যমিক বিদ্যালয় (৬ষ্ঠ-১০ম শ্রেণি)-এর ক্ষেত্রে Secondary High School (6-10) সিলেক্ট করতে হবে;
- উচ্চ মাধ্যমিক বিদ্যালয় (৬ষ্ঠ-১২শ শ্রেণি)-এর ক্ষেত্রে Higher Secondary School (6-12) সিলেক্ট করতে হবে;
- সাধারণ স্কুল ও কলেজের এবং মাদ্রাসার সাথে কারিগরি শাখা সংযুক্ত থাকলে প্রযোজ্য ক্ষেত্রে একাধিক **Institute Type** বক্সে ক্লিক করে নির্বাচন করতে হবে। যেমনঃ উচ্চ মাধ্যমিক কলেজে (১১শ-১২শ) সংযুক্ত বিএম শাখা থাকলে Higher Secondary College (11-12) এবং Attached HSC (Business Management) College/Institute উভয়টি সিলেক্ট করতে হবে। কোন দাখিল মাদ্রাসার (১-১০) সঙ্গে সংযুক্ত দাখিল ভোকেশনাল মাদ্রাসা থাকলে Dakhil Madrasah (1-10) এবং Attached Dakhil Vocational Madrasah উভয়টি সিলেক্ট করতে হবে।

৪। **Institute Type** সিলেক্ট করার পর MPO Status of Institute অপশনে যেতে হবে। প্রতিষ্ঠানটি MPO ভুক্ত হলে **Yes** ক্লিক করতে হবে এবং MPO ভুক্ত না হলে **No** ক্লিক করতে হবে; ৫। এরপরে **Institute Area** অপশনে যেতে হবে। সংশ্লিষ্ট প্রতিষ্ঠানটি যে এলাকায় অবস্থিত **Institute Area** থেকে সেই এলাকাটি নির্বাচন করতে হবে। আর কোন প্রতিষ্ঠান সিটি কর্পোরেশনের মধ্যে অবস্থিত হলে City Corporation, জেলা সদর পৌরসভা এলাকায় অবস্থিত হলে Zila Sadar Poursava সিলেক্ট করতে হবে। যদি কোন প্রতিষ্ঠান সিটি কর্পোরেশন কিংবা জেলা পৌরসভার এলাকার বাইরে হয় তবে **Other Area** নির্বাচন করতে হবে। প্রতিষ্ঠানটি কোটামুক্ত এলাকা হলে **Quota free Area** নির্বাচন করতে হবে। কোটামুক্ত এলাকার বিবরণ নিম্নরূপ :-

(ক) সিলেট, মৌলভীবাজার, সুনামগঞ্জ, হবিগঞ্জ, ব্রাহ্মণবাড়িয়া, কিশোরগঞ্জ, নেত্রকোনা, খাগড়াছড়ি, রাঙ্গামাটি ও বান্দরবান জেলাসমূহের মহানগর অথবা জেলা শহরের পৌরসভা ব্যতীত অন্যান্য অঞ্চলে শিক্ষক নিয়োগের ক্ষেত্রে মহিলা কোটা শিথিলযোগ্য বিবেচিত হবে।

(খ) মন্ত্রিপরিষদ বিভাগ কর্তৃক ১৯ এপ্রিল ২০০৪ তারিখের মপবি/মাপ্রস/২(১৪৩)/২০০২-২০০৪/৪৯ নং স্মারকে দুর্গম উপজেলা হিসাবে চিহ্নিত নিম্নোক্ত উপজেলাসমূহে মহিলা শিক্ষক নিয়োগের বাধ্যবাধকতা শিথিলযোগ্য বিবেচিত হবে:-

ক্রমিক নং	জেলার নাম	উপজেলার নাম	ক্রমিক নং	জেলার নাম	উপজেলার নাম
১	ভোলা	মনপুরা	১০	বাগেরহাট	শরণখোলা
২	চট্টগ্রাম	সন্দ্বীপ	১১	খুলনা	দাকোপ
৩	কুমিল্লা	মেঘনা	১২	খুলনা	কয়রা
৪	কক্সবাজার	কুতুবদিয়া	১৩	সাতক্ষীরা	শ্যামনগর
৫	কক্সবাজার	মহেশখালী	১৪	কুড়িগ্রাম	রাজিবপুর
৬	নোয়াখালী	হাতিয়া	১৫	কুড়িগ্রাম	রৌমারী
৭	গোপালগঞ্জ	কোটালিপাড়া	১৬	নওগাঁ	আত্রাই
৮	মানিকগঞ্জ	দৌলতপুর	১৭	সিরাজগঞ্জ	চৌহালী
৯	ময়মনসিংহ	ধোবাউড়া			

৬। এরপর **Student type** নির্বাচন করতে হবে। যেমন; Boys/Girls/Co-Education ইত্যাদি।

৭। এরপর **Head of Institute Details** অপশনে গিয়ে প্রতিষ্ঠান প্রধানের সকল তথ্য পূরণ করতে হবে। যেমনঃ প্রতিষ্ঠান প্রধানের নাম, ছবি, এনআইডি, ঠিকানা, ই-মেইল, মোবাইল নম্বর, স্বাক্ষর ইত্যাদি।

৮। **Governing body/Managing Committee** অপশনে প্রতিষ্ঠানটি গভর্নিং বডি/ম্যানেজিং কমিটির তথ্য সঠিকভাবে পূরণ করতে হবে। এ অপশনে সভাপতির নাম, ঠিকানা, ছবি, এনআইডি, ই-মেইল, মোবাইল নম্বর ইত্যাদি তথ্য দিতে হবে।


৯। সকল তথ্য সম্পূর্ণ সঠিকভাবে পূরণ করার পর ভাল করে যাচাই করতে হবে। যাচাই করার পর **Save and Submit** করতে হবে। এরপর ভবিষ্যত রেফারেন্সের জন্য একটি **Print Copy** নিজ অফিসে সংরক্ষণ করতে হবে;

গ) **ই-রেজিস্ট্রেশন হালনাগাদকরণ (e-Registration Update):** ই-রেজিস্ট্রেশন হালনাগাদকরণের জন্য প্রত্যেক প্রতিষ্ঠান প্রধানকে এনটিআরসিএ'র ওয়েবসাইটের ই-রেজিস্ট্রেশন সেবা বক্সে প্রবেশ করে তাদের স্ব স্ব ইউজার আইডি এবং পাসওয়ার্ড দিয়ে লগইন করবেন। লগইন করার পর ই-রেজিস্ট্রেশন পেইজে পরিবর্তনযোগ্য প্রয়োজনীয় তথ্য খ) অনুচ্ছেদের ১ – ৯ নং ক্রমিকে বর্ণিত নিয়ম অনুসরণ করে সংশোধনপূর্বক **Save and Submit** বাটনে ক্লিক করলে ই-রেজিস্ট্রেশন হালনাগাদ হবে। **কোন প্রতিষ্ঠানের সকল তথ্য অপরিবর্তিত থাকলেও ঐ প্রতিষ্ঠানকে স্ব স্ব ইউজার আইডি এবং পাসওয়ার্ড দিয়ে লগইন করে পূর্বের সকল তথ্য অপরিবর্তিত রেখে Save and Submit বাটনে ক্লিক করতে হবে। নতুবা প্রতিষ্ঠানটির ই-রেজিস্ট্রেশন হালনাগাদ/নবায়ন হবে না।**

ঘ) **ই-রেজিস্ট্রেশন এডিট/সংশোধন (e-Registration Edit) :** নতুন ই-রেজিস্ট্রেশন এবং ই-রেজিস্ট্রেশন প্রোফাইল হালনাগাদকরণের জন্য Teletalk এর **ই-রেজিস্ট্রেশন অনলাইন প্ল্যাটফর্মটি** একটি নির্দিষ্ট সময় পর্যন্ত খোলা থাকবে। প্রোফাইলের সকল তথ্য অত্যন্ত সতর্কতার সংগে এন্ট্রি দিতে হবে। কোন কারণে submit কৃত তথ্য ভুল হলে কিংবা কোন তথ্য সংযোজন বা বিয়োজনের প্রয়োজন হলে তা অনলাইনেই EDIT (সংশোধন) করতে হবে এবং তা Teletalk এর উক্ত অনলাইন প্ল্যাটফর্ম খোলা থাকার সময়েই করতে হবে। এক্ষেত্রে প্রতিষ্ঠানের আইডি ও পাসওয়ার্ড দিয়ে লগইন করতে হবে এবং ই-রেজিস্ট্রেশন ফর্মের উপরের দিকে EDIT-এর লাল বাটনে ক্লিক করতে হবে। তারপর প্রোফাইলের প্রয়োজনীয় তথ্য সংশোধন করে **Save and Submit** বাটনে **পুনরায় ক্লিক করতে হবে।**

ঙ) **হারিয়ে যাওয়া পাসওয়ার্ড পুনরুদ্ধার :** যদি কোন প্রতিষ্ঠান ই-রেজিস্ট্রেশনের পাসওয়ার্ড হারিয়ে ফেলেন কিংবা ভুলে যান তবে প্রতিষ্ঠান প্রধানকে সংশ্লিষ্ট জেলা শিক্ষা কর্মকর্তা অথবা উপজেলা মাধ্যমিক শিক্ষা কর্মকর্তার সুপারিশসহ প্রতিষ্ঠানের EIIN ও প্রতিষ্ঠান প্রধানের মোবাইল নম্বর উল্লেখপূর্বক প্রতিষ্ঠানের প্যাডে এনটিআরসিএ বরাবর আবেদন করতে হবে। এনটিআরসিএ আবেদনপত্র যাচাইঅন্তে প্রতিষ্ঠান প্রধানের মোবাইলে এসএমএসের মাধ্যমে পাসওয়ার্ড প্রেরণ করবে। প্রতিষ্ঠান প্রধানকে সবসময় পাসওয়ার্ডের গোপনীয়তা রক্ষা করতে হবে। কাউকে পাসওয়ার্ড শেয়ার করা যাবে না। কোন অননুমোদিত ব্যক্তির নিকট পাসওয়ার্ড শেয়ার করার কারণে যদি কোন অনাকাঙ্ক্ষিত ঘটনা ঘটে, তবে এর দায় প্রতিষ্ঠান প্রধানের উপর বর্তাবে।

বিশেষ দ্রষ্টব্য: শিক্ষক নিয়োগ প্রদানে প্রত্যাশী প্রত্যেক বেসরকারি শিক্ষা প্রতিষ্ঠানকে ই-রেজিস্ট্রেশন সংক্রান্ত বিজ্ঞপ্তিতে উল্লিখিত তারিখের মধ্যে নতুন ই-রেজিস্ট্রেশন এবং প্রোফাইল হালনাগাদকরণ কার্যক্রম সম্পন্ন করতে হবে। উক্ত তারিখের পর ই-রেজিস্ট্রেশন এবং প্রোফাইল হালনাগাদ করা যাবে না। ই-রেজিস্ট্রেশন ব্যতীত ই-রিকুজিশান (অনলাইন চাহিদা) প্রদান করা সম্ভব হবে না। আর ই-রিকুজিশান ছাড়া কোন প্রতিষ্ঠান শিক্ষক নিয়োগ সুপারিশের জন্য বিবেচিত হবে না।


(কাজী কামরুল আহছান)
পরিচালক(শিক্ষাতত্ত্ব ও শিক্ষামান)
এনটিআরসিএ, ঢাকা।
ফোনঃ ০২-৪১০৩০১২১